

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-1-04-2-1841-10/22
Datum, 18.04.2022. godine

Na osnovu člana 100. stav 3. Zakona o javnim nabavkama („Službeni glasnik BiH“, broj 39/14), te na osnovu Izjašnjenja na navode iz žalbe Komisije za javne nabavke broj 02-1-04-2-1841-9/22 od 18.04.2022. godine, Općinski načelnik, donosi

O D L U K U

o stavljanju van snage Odluke o izboru najpovoljnijeg ponuđača

Član 1.

Stavlja se van snage Odluka o izboru najpovoljnijeg ponuđača broj 02-1-04-2-1841-7/22 od 28.03.2022. godine.

Član 2.

Ova Odluka se dostavlja svim ponuđačima koji su učestvovali u postupku javne nabavke.

Član 3.

Ova Odluka objavit će se na web-stranici ugovornog organa (www.kalesija.ba).

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-1-04-2-1841-1/22 od 25.02.2022. godine. Postupak nabavke je proveden putem otvorenog postupka za dostavu ponuda za koji je objavljeno obavještenje o nabavci broj: 52-1-3-5-3-11/22, od 25.02.2022. godine na portalu javnih nabavki.

Postupak nabavke provodi Komisija za javne nabavke Odlukom broj: 02-02-1-04-2-1841-2/22 od 25.02.2022. godine.

Tenderska dokumentacija je objavljena na portalu javnih nabavki. Ugovorni organ je iste učinio dostupnu svim zainteresovanim privrednim subjektima poštujući princip jednakog tretmana.

Odluka o izboru najpovoljnijeg ponuđača broj 02-1-04-2-1841-7/22 je donesena 28.03.2022. godine, na koju je izjavljena žalba od strane ponuđača „Dinamico“ doo Kalesija dana 15.04.2022. godine koja je blagovremena, dopuštena i izjavljena od ovlaštene osobe.

Ugovorni organ Općina Kalesija prihvata obrazloženje Žalitelja te smatra da je Žalba osnovana.

Naime, općina Kalesija, kao ugovorni organ, je pokrenula postupak za nabavku radova „Adaptacija krova na BKC-u Kalesija“. Dana 14.03.2022. godine je izvršeno javno otvaranje ponuda. Komisija je nakon toga izvršila pregled prispjelih ponuda i ponudu žalitelja odbacila kao neprihvatljivu jer ponuđač nije dokazao da je imao uspješno iskustvo u realizaciji ugovora na izgradnji i sanaciji krovnih konstrukcija. Nakon toga je zakazana e-aukcija i odnosena Odluka o izboru najpovoljnijeg ponuđača na koju je izjavljena žalba.

Nakon zaprimanja žalbe Komisija je izvršila ponovni pregled ponude Žalitelja i utvrdila da je napravljen prijevid, odnosno da nije uočeno da je na potvrdi o uredno izvršenom ugovoru, koju je izdalo Ministarstvo prostornog uređenja i zaštite okolice TK broj 12/1-19-018316/20 od 06.10.2020. godine, naznačeno u zagradi u drugom pasusu, da je Žalitelj izvršio „zamjenu krova na zgradi JU MSŠ Kalesija“.

Imajući u vidu sve navedene argumente žalba je osnovana i shodno tome zakazat će se ponovna e-aukcija i nakon toga donijeti nova Odluka o izboru najpovoljnijeg ponuđača.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke.

Dostavljeno:

- Učesnicima u postupku,
- a/a

OPĆINSKI NAČELNIK

Sead Džafić.dipl.ecc